

ORCELLUM, seu Urgella, Orgia Ptol. ibid. vulgò *Urgel*. Ex ejus Episcopis *Iustus* subscripsit Concilio Toletano secundo, necnon *Simplicius* Toletano tertio, & Barcinonensi.

VELIA Ptol. ibid. *Veleja* Morales. *Joannes Vellensis*, qui Concilio Toletano tertio subscripsit, ejus fortè Episcopus fuit, post quem nullus istius Sedis legitur in subscriptionibus Conciliorum Hispaniæ.

Antiqui Hispaniæ Episcopatus, quorum sedes incertæ sunt.

ILLITURGI civitas Hispaniæ non longè ab *Andujar*, cujus *S. Euphrasius* primus Episcopus dicitur.

AGRAGA civitas Hispaniæ Episcopalis libro Conciliorum: cùm *Nebrius* Agragensis Episc. Conc. Tolet. II. hujus regionis Præfulibus subscriptus annumeretur: sed qua in Provincia extiterit, nequidem suspicari possum.

MAGNETUM Hispaniæ civitas, cujus *Viator* Episcopus subscripsit Concilio Bracarenfi secundo.

EMINIUM Vasæo civitas Portugalliæ, inter Conimbriam & Portum, sed parum certò. *Possidonius* ejus Sedis Antistes subscripsit Concilio tertio Toletano.

LAVERICA locus Episcopalis in Hispania, cujus Episcopus *Vitulatus* subscripsit Concilio Toletano sub Gundemaro.

LANIOBRA civitas Hispaniæ ignota, cujus Episcopus *Ermaricus* subscripsit Concilio Toletano tertio.

LACOBRIGA Lusitaniæ urbs, & Lacobrica ab ea diversa in Vaccæis. *Servus Dei* Lacobrigensis Episcopus interfuit Concilio Toletano quarto.

NOTÆ LUCE HOLSTENII.

¹ *Lacobriga &c.* Lacobricensis Episcopus Vin- | sub Grato, sed MSS. Vindicium Jacubazensem
dicianus ex Africa legitur adfuisse Concilio Carthag. | vocant.